

**IBARRAKO UDALAREN ETA IBARRAKO HERRI KIROL BELABIETA SOKATIRA
TALDEAREN ARTEKO LANKIDETZA HITZARMENA.**

Ibarra, 2025eko abenduaren 9a,

ELKARTURIK

Alde batetik, Nagore Zubillaga Garmendia Ibarra Udaleko jarduneko zinegotzi-delegatua, Ibarra Udaleko Idazkari Jon Zalduendo Telleriak lagunduta.

Eta bestetik, Eugenio Lopetegi Artano jauna, Ibarra Herri Kirol Belabieta Sokatira Taldeko lege ordezkaria. Elkartaren egoitza soziala: Ibarra Otarreala kalea, 4 IFK: G75012542.

ESKU HARTZEN DUTE

Lehenengoak, Ibarra Udalaren izenean eta ordezkaritza, Toki Araubidearen Oinarriak arautzen dituen apirilaren 2ko 7/1985 Legearen 21.1.f artikulua xedaturikoaren arabera.

Bigarrenak, Ibarra Herri Kirol Sokatira Taldearen izenean eta ordezkaritza, 2009ko abenduaren 1ean Euskadiko Kirol Erakundearen Erregistroan 2020ko abuztuaren 6ko Kirol Erakundearen erregistroaren inskripzio ziurtagiriaren baitan, erakundearen LEHENDAKARI gisa.

Bi aldeek Hitzarmen hau egiteko behar adinako legeko gaitasuna aitortzen diote elkarri, eta ondorio horretarako

AZALDU DUTE

I.- IBARRAKO HERRI KIROLAK BELABIETA SOKATIRA TALDEAK- 2025eko irailaren 15ean Udal honetan aurkeztutako idatziaren bidez (2025/2551 erregistro zk), dirulaguntza proiektuen eta jardueren memoria aurkeztu zuela, Ibarra Udalaren Dirulaguntzen Ordenantza Orokorra xedatutakoarekin bat etorriz. Memoria honek **23.600 euroko aurrekontua du.**

II.- IBARRAKO UDALAK beharrezkotzat jotzen du udal kirol zerbitzuen kalitatea etengabe hobetzea, bai eta zeregin horretan herriko klub eta elkarteak garatzea eta inplikatzeko ere.

III. IBARRA HERRI KIROL BELABIETA SOKATIRA TALDEAK nortasun juridikoa eta jarduteko gaitasuna izanik, irabazi-asmorik gabekoa dela, eta Euskal Autonomia Erkidegoko Elkartearen Erregistro Autonomikoan inskribatuta dagoela (CD0004312 inskripzio-zenbakia), non Sokatira Herri - kirol modalitatearen praktika eta sustapena helburu duen kluba adierazten den.

IV.- BI ALDEEK komenigarritzat jotzen dute hitzarmen hau sinatzea honako arrazoiengatik:

- Herrian dagoen sokatira talde bakarra delako
- Euskal kirol tradizionala bultzatzen duelako eta herritarrengana hurbiltzen dutelako erakustaldi eta jardueren bidez.
- Parekidetasuna sustatzen duelako tradizioz oso maskulinizatuta egon den kirol batean
- Ibarra herriari nazio eta nazioarte mailan ematen dion prestigioagatik

- Herriko eragile aktiboa delako
- Tokiko kirolariei herrian bertan kirola egiteko aukera ematen dielako, beste herri batera joan gabe.

V.- Hitzarmen hau ematen dela lege-arau hauen babesean

Kirola eta Jarduera Fisikoari buruzkoak

- 7/1985 Legeak, Toki Araubidearen Oinarriak arautzen dituenak, 25.2ko artikulua L atalean "*Kirola, kirol-instalazioak eta aisialdirako instalazioak sustatzea*" dago eskumen - propioen artean
- 2/2016 Legeak, apirilaren 7koak, Euskadiko Toki Erakundeei buruzkoak, 17.1.19) artikuluan xedatutakoa: *Kirola eta kirol-jarduerak antolatzea eta sustatzea, eta erabilera publikoko kirol-ekipamenduak kudeatzea*
- Euskadiko jarduera fisikoaren eta kirolaren 2/2023 martxoaren 30eko Legea
- 125/2008 Dekrekuta, uztailaren 1ekoa. Eskola Kirolari buruzkoa
- Haurrak eta Nerabeak Indarkeriaren Aurrean oso-osoko Babesari buruzko ekainaren 4ko 8/2021 Lege Organikoa, IX. kapituluak, eta Haur eta Nerabeen otsailaren 15eko 2/2024 Euskal Legea, VIII. kapituluko 73. artikulutik 77.era bitartekoetan
- Emakumeen eta Gizonen berdintasunerako eta Emakumeen Aurkako Indarkeria Matxistarik Gabe Bizitzeko Legearen testu bategina onartzen duen martxoaren 16ko 1/2023 LEGEGINTZAKO DEKRETUAK 3.1 artikulua

Izendunak diren dirulaguntzari buruzkoak

- Urriaren 1eko 40/2015 Legeak, Sektore Publikoaren Araubide Juridikorenak, 47 - 53 garren artikulua
- 7/1985 Legeak, Toki Araubidearen Oinarriak arautzen dituenak
- 38/2003 Legeak, diru laguntzen lege orokorrak, 22.2.a) eta 28.3. artikuluetan
- 1955eko ekainaren 17ko Dekretua, Toki Korporazioen Zerbitzuen Erregulamendua onartzen duena
- 887/2006 Errege Dekretua, uztailaren 21ekoa, Dirulaguntzei buruzko azaroaren 17ko 38/2003 Lege Orokorren Erregulamendua onartzen duena
- Ibarra udaleko dirulaguntzen orokorreko ordenantza (GAO, 2013-06-07, 108 zk)
- Ibarra Udalen 2024-2027 dirulaguntzen plan estrategikoa (GAO, 76. zk., 2024ko apirilaren 19koa)

Bestalde, Dirulaguntzei buruzko azaroaren 17ko 38/2003 Lege Orokorren (DLO) 5. Artikuluak xedatutakoaren arabera, lege honek eta hura garatzeko xedapenak arautuko dituzte administrazio-zuzenbideko gainerako arauak, eta, halakorik ezean, zuzenbide pribatuko arauak aplikatuko dira.

VI.- Entitatea ez dagoela 38/2003 Legeak, azaroaren 7koak, Dirulaguntzei buruzkoak, bere 13. artikuluko 2. eta 3. zatietan dirulaguntzak jasotzeko adierazitako debeku-ausaren baten pean.

VII .- IBARRAKO HERRI KIROL BELABIETA SOKATIRA TALDEAK egunean dituela zerga-betebehar guztiak eta egunean dagoela Gizarte Segurantzarekin.

VIII.- Bere estatutuekin bat etorritik, entitate eskatzailearen xedea bat datorrela hitzarmen honen bidez emango den dirulaguntzaren xede eta helburuekin.

IX.- 153/2025 alkate dekretuaren 4.atalari jarraiki, 15.000 euro arteko dirulaguntzak emateko eskuordetza kirol alorreko zinegotzi delegatuak izango du.

X.- Ibarako Udalaren 2025eko udal aurrekontuan **1 12.341.04.481.00 2025 partida agertzen dela 10.000** euroko zenbatekoarekin, entitate eskatzailearen dirulaguntza izendunaren kontzeptuaren pean

XI.-2025eko abenduaren 4an, 2025/753 alkate - dekretuaren bitartez 10.000 euroko dirulaguntza emateko hitzarmena sinatzea erabaki zela.

XII.- Aipatu dirulaguntza hau Dirulaguntzen Datu Base Nazionalean argitara emango da.

Eta ados daudenez, bi aldeek hitzarmen hau formalizatzen dute, ondoren zehazten diren klausulak ezarritik.

KLAUSULAK

Lehena.- Xedea.

Hitzarmen honen xedea da Ibarako Udalaren **IBARRAKO HERRI KIROLAK SOKATIRA TALDEA 10.000 euroko dirulaguntza** izenduna ematea 2025 denboraldirako, bere jarduerak garatu eta gauzatzearen ondoriozko gastuak finantzatzen laguntzeko, eta hurrengo klausuletan aurreikusitako dirulaguntza izendunari aplikatu beharreko baldintzak eta konpromisoak ezartzea.

Bigarrena.- Diruz lagunduko diren jarduerak.

- Euskal Herriko sokatira txapelketetan parte hartzea
- Nazioarteko sokatira txapelketetan parte hartzea
- Klubaren derrigorrezko funtzionamendurako behar diren materialak eta baliabideak
- Kudeaketaren eta komunikazioaren modernizazio prozesuak hobetzeko
- Bestelako programa sozialak egiteko, hala nola inklusioa, berdintasuna edota euskara
- Herri kirolak ikuskizunak antolatzea eta parte-hartzea
- Eskola Kirol eta emakumeen parte-hartzerako Herri Kirolak jardunaldiak antolatzea

Hirugarrena.- Dirulaguntzaren zenbatekoa

2025 denboraldirako dirulaguntzaren zenbatekoa **10.000 eurokoa** izango da. Dena dela, diruz lagundutako elkarteak beste Erakunde batzuen dirulaguntzak ere jaso ditzake

Honako **aurrekontu-partida** honi egotziko zaio dirulaguntza: **1 12.341.04.481.00 2025**

Laugarrena.- Ordaintzeko prozedura

Dirulaguntzaren ordainketa egingo da, oro har, dirulaguntzaren onuradunak justifikazioa aurkeztu eta organo eskudunak onartu ondoren, beti ere jarduerarengatik eskumenak dituen departamentuak aldeko txostena egin ondoren.

- **Lehen zatia % 70: 7.000 €** organo eskudunak dekretu bitartez onartu eta hitzarmen hau sinatu ondoren egingo da lehen ordainketa, eta Ogasunarekiko eta Gizarte Segurantzarekiko betebeharrak egunean dituela ziurtatzen duten agiriak aurkezten direnean.

- **Bigarren zatia % 30: 3.000** € dirulaguntzaren xedea, proiektua eta/edo jarduerak gauzatu direla egiaztatuta eta dagozkion gastuen fakturak aurkeztu eta onartu ondoren egingo da azken ordainketa alkate-dekretu bidez.

Kitapena 2026eko urtarrilaren 30 baino lehen aurkeztu beharko da.

Ordainketak Dirulaguntzen Datu Base Nazionalari jakinaraziko zaizkio ordaindu eta hurrengo hilabetea bukatu aurretik.

Ibarrako Udalak aurretik emandako dirulaguntzen justifikazio dokumentazio osoa aurkeztu beharko da beste dirulaguntza berri batean parte hartu ahal izateko.

Entitate onuradunak aurkeztu duen diruz lagundu beharreko jardueraren aurrekontua, edo hari aurkeztu ondoren egindako aldaketak, erreferentzia gisa erabiliko dira dirulaguntzaren zenbatekoaren azken zehaztapena egiteko, zenbateko hori proiektu edo jardueraren azken kostuaren portzentaje bat bezala kalkulatu da eta inoiz ezingo du emandako zenbatekoa gainditu. Kasu horretan, Ibarrako udalak egindako balizko finantzazioaren soberakina kalkulatu da ekarpen horrek kostu osoaren aldean duen portzentajea erreferentzia gisa harturik.

Bosgarrena. - Bateragarritasuna beste laguntza batzuekin

Dirulaguntza hau bateragarri izango da helburu bereko beste dirulaguntza, laguntza, sarrera edo baliabide batzuekin, edozein administrazio edo entitate publiko edo pribatuetatik, Europar Batasunetik edo nazioarteko erakundeetatik datozenak, kalterik egin gabe honekin batera dauden diren beste dirulaguntzak erregulatzeko araudiak horri buruz agindu dezakeena.

Gerta daitezkeen aldi bereko finantzaketa-kasuak honako baldintza hauek bete beharra daukate:

- a) Emandako dirulaguntzaren zenbatekoak ezin du inola ere gainditu, beste dirulaguntza, laguntza, sarrera edo baliabide batzuekin batera, diruz lagundutako proiektu edo jardueraren kostua.

Muga hori betetzen dela egiaztatzeko, egindako gastu osoa justifikatu behar da eta justifikatzeko kontuak jaso behar du diruz lagundutako jarduera finantzatu duten beste sarrera edo dirulaguntzen zerrenda zehatz bat, zenbatekoak eta beren jatorria adierazita daudela.

- b) Finantzazioan soberakin bat gertatuko balitz proiektu edo jardueraren kostuarekiko, onuradunak itzuli egin beharko luke, berandutza-interesekin batera, dagokion justifikazioari ordainketa-gutunak erantsita. Soberakina itzuliko zaie dirulaguntzak eman dituzten entitateei, entitate horietako bakoitzak emandako dirulaguntzen proportzioan.

Hala ere, baldin eta Ibarrako udala bada finantzaketa-soberakinaz ohartu dena, exijituko du soberakinaren zenbateko osoa itzultzeko, berak emandako dirulaguntzaren mugaraino.

Dirulaguntzak elkarrekin bateraezinak izateak ez du galaraziko biak eskatzea, bai, ordea, biak batera jasotzea.

Seigarrena.- Indarraldia.

Hitzarmen honi lotutako justifikatioa **2025eko urtarrilaren 1etik abenduaren 31a bitarte jasandako gastu sarrerei lotua egongo da.** Emandako dirulaguntza behar bezala erabili dela justifikatu behar

zaio Kirol departamentuari, Ibarra Udalaren dirulaguntzen ordenantza orokorrak III. Kapituluaren xedatutakoaren arabera

Zazpigarrena.- Dirulaguntza jaso dezaketen gastuak.

Dirulaguntza jaso dezaketen gastutzat hartzen dira, indarrean dagoen legeriaren eta Ibarra Udalaren Ordenantza Orokorraren aurreikuspenen esparruaren barruan, baldintza hauek betetzen dituztenak: batere zalantzarik gabe lagundutako jardueraren izaerarekin bat etortzea; deialdian, hitzarmenean edo emakida-ebazpenean ezarritako epearen barruan egitea; beren eskuraketa-balioa merkatuko balioa baino handiagoa ez izatea; eta, deialdian, hitzarmenean edo ebazpenean espresuki kontrakoa xedatu ezean, justifikatzeko epea bukatu aurretik egiaz ordaintzea.

Bakar-bakarrik onartuko dira dirulaguntza eman edo hitzarmena onartutako urtearen barruan sortzen diren gastuak.

Dirulaguntza jaso dezakeen gastuaren zenbatekoa handiagoa bada kontratu publikoen gaineko legerian kontratu txikirako ezarritako zenbatekoak baino, pertsona onuradunak gutxienez hiru hornitzaileen eskaintzak eskatu beharko ditu. Hori ez da beharrezkoa izango baldin eta, dirulaguntza jaso dezaketen gastuen ezaugarri bereziengatik, merkatuan ondasun edo zerbitzuok egin, eman edo hornitzen dituen hainbeste entitaterik ez badago, edo gastua dirulaguntza eskatu baino lehen egin bada. Alderdi horiek ziurtasun osoz justifikatu beharko dira.

Aurkeztutako eskaintzak aurkeztu behar dira edo justifikazioan edo, hala badagokio, dirulaguntzarako eskabidean. Proposamen ekonomikorik onena aukeratzen ez denean, espresuki justifikatu beharko dira, memoria baten bidez, erabili diren irizpideak.

Zortzigarrena.- Dirulaguntzaren justifikazioa.

Dirulaguntza emateko egintzan aurreikusitako baldintza eta helburuak betetzearen eta lortzearen justifikazioa egingo da DLOaren 30. artikuluan, DLOaren Araudian eta Ibarra Udalaren III kapituluaren dirulaguntzen Ordenantza Orokorraren aurreikusita dagoenaren arabera.

Dirulaguntza justifikatuko da «**justifikatzeko kontua ordainagiriak aurkeztuta**» izeneko modalitateaz, oro har, honako dokumentazio hau duela:

a) **Jarduera-memoria bat**, dirulaguntza ematean ezarritako baldintzak betetzen direla justifikatzeko. Memoria horretan adieraziko da zein jarduera egin diren eta zein emaitza lortu diren, eta, ahal den neurrian, datu guztiak sexuen arabera banatuta aurkeztuko dira.

b) **Egindako jardueren kostua** justifikatzeko 1. eranskina behar den bezala betea.

Bederatzigarrena.- Dirulaguntzen justifikazioa aurkezteko epea.

Dirulaguntzen justifikazioa aurkezteko epea izango da hilabete bat, jarduera gauzatzeko epea bukatzen denetik kontatuta, eta gehienez **2026eko urtarrilaren 31**

Hamargarrena.- Diruz lagundutako jardueraren publizitatea.

Komunikazioa eta publizitate euskarriak: karteldegietan, sare sozialetan, web orrian, ikus-entzunezkoetan eta, oro har, komunikaziorako erabiltzen diren edozein euskarrietan txertatu beharko da Ibarako Udalaren logoa edo irudia, baita aipatzea udalak diruz lagundutako jarduerak dela. Ekipazioak: Dirulaguntzaren onuradunek Ibarako Udalaren armaria edo irudia eman beharko da kirolarien kirol-ekipazioetan espazio berezi eta erraz ikusteko moduko batean. Dirulaguntza jasotzen duen erakundeak konpromisoa hartzen du Ibarako Udalak beharrezkotzat eta interesgarritzat jotako gizarte, hezkuntza, kultura eta jolas-ekitaldietara joan eta bertan parte hartzeko.

Hamaikagarrena.- Euskararen erabilaren normalizazioa

Ibarako Udalerrian euskararen erabilera normalizatzeko, klubak ematen dituen ahozko informazioak, idatzizkoak eta publizitateak (telefono deiak, bozgorailuak, irratiak, abisuak, kartelak, oharak, sare sozialak, web orriak...) euskaraz egingo dira. Elebitan egiten badira, euskara izango du lehentasuna eta gaztelania baino portzentaje handiagoan.

Udalarekin izango den harremana, hala nola dirulaguntza eskaerak, informazioak, bilerak etab, euskaraz izango du lehentasuna.

Ibarako Udalak Euskararen erabilera normalizatzeko udal ordenantzan onartuta dituen irizpideak bete beharko dira.

Familiekiko edozein komunikazio motatan euskara lehenetsiko da eta gaztelania baino nabarmenagoa.

Hamabigarrena.- BERDINTASUNA, GENERO-INDARKERIA, SEXU-JAZARPENA eta HAURREN ETA GAZTEEN AURKAKO BIOLENTZIAK

- a) Ez dira onartuko klubeko kideen artean genero-indarkeria, sexu-indarkeria sustatzen eta/edo horien protagonista diren jarrerak edo mezuak egotea, ezta lgtbi+ kolektiboko pertsonen eskubideen eta duintasunaren aurkakoak izatea ere. Halakorik balego, klubak horiek desagerrarazteko neurri egokiak hartu beharko ditu. Bestela, hitzarmen hau deuseztatzeko arrazoia izan daiteke, horrek eduki ditzakeen ondorio ekonomikoekin.
- b) Genero ikuspegia kontuan hartuko da dirulaguntzaren justifikazio txostenean: datu bilketan, estatistikan eta abarretan.
- c) Berdintasunaren, aniztasunaren, inklusioaren, rol eta genero identitate aniztasunaren balio positiboak dituzten mezuak sustatzen ahaleginak egingo dira.

- **Adin txikikoen babesa**

- a) Haurrak eta Nerabeak indarkeria fisikoa, emozionala eta psikikoaren aurka babesteko protokoloa aurkeztu behar da udaletxean.

Hamahirugarrena.- Iraungitzea.

Hitzarmen hau iraungiko da Sektore Publikoaren Araubide Juridikoaren 40/2015 Legearen 51. artikuluan zehaztutako kasuetan.

Hamalauugarrena.- Kontrol eta jarraipena.

Hitzarmen honen finantza kontrola pertsona edo entitate onuradunei egingo zaie, edo hala badagokio, erakunde kolaboratzaileei. Finantza kontrola Ibarako Udalaren Diru-laguntzen Ordenantza Orokorraren 48. eta 49. artikuluetan xedatutakoari jarraiki egingo da.

Hitzarmen honen onuradunak behartuta daude kontrol finantzarioa egiten duten funtzionarioei lankidetzara eskaintzera eta horretarako eskatzen zaizkien agiriak eta beharrezko informazioa eskuratuko diete.

Jarraipen eta kontrol prozesu horretan hitzarmen honetako baldintzak ez direla betetzen ikusten bada, beharrezko neurriak hartuko dira diru itzulketa egin dadin, eta kasua bada, emandako diru-laguntza kobratzeko eskubidea galduko da.

Hamabosgarrena.- Emandako diru-laguntzaren itzulketa

Hitzarmen honek arautzen dituen dirulaguntza lotuta dago Ibarako Udalaren Diru-laguntzen Ordenantza Orokorren itzulketa araubideari.

Diru-laguntza jasotzen duen pertsona fisiko edo juridikoaren aldetik hitzarmen honetan zehaztutako klausuletakoren bat ez betetzeak dirulaguntza iraungiaraztea edo gutxitzea ekarriko du. Dena den, Ibarako Udalaren Diru-laguntzen Ordenantza Orokorren 46. artikulua eta harekin bat datorren gainontzeko araudiak xedatzen dutena aplikatuko da.

Jarduera bertan behera geratuko balitz, edo eskaeran jaso zenetik guztiz ezberdina baldin bada, jasotako dirulaguntza itzuli egin beharko da.

Hamaseigarrena.- Lan eta zerga legeria.

Diruz lagundutako elkarteak bete beharko du, bere jarduera gauzatzean, indarrean dagoen legedian ezarritakoa, bereziki zergei, lan-harremanei, Gizarte Segurantzari edo horren aplikaziotik eratortzen den guztiari dagokienean.

Hamazazpigarrena.- Izaera administratiboa.

Hitzarmen honek izaera administratiboa du. Beraz, bere klausulek eta bere kasuan aplikatzekoa den legediak arautzen dute.

Hemezortzigarrena.- Erantzukizunpeko adierazpena.

Ibarako Udalaren dirulaguntzen Ordenantza Orokorren 6 artikuluan xedatutakoaren arabera, DLOren 13.2 artikuluan ezarritako onuradun izateko debekuetan erortzen ez delako egiaztapena egingo da notario baten edo funtzionario publiko baten aurreko erantzukizunpeko adierazpen baten bidez.

Hemeretzigarrena.- Gainerako legeria.

Hitzarmen honetan araututa ez dagoenean, bete beharko da honako lege-arau hauetan xedatutakoa: 40/2015 Legea, urriaren 1ekoa, Sektore Publikoaren Araubide Juridikoarena; 38/2003 Legea, azaroaren 17koa, Dirulaguntzei buruzkoa eta berau garatzeko Erregelamendua onartzen duen 887/2006 Errege Dekretua, uztailaren 21ekoa; eta Ibarako Udalaren dirulaguntzen Ordenantza Orokorra.

Hogeigarrena.- Izaera pertsonaleko datuak.

Izaera pertsonaleko datuak arautzen duen legeriak agintzen duenari jarraituta, bi aldeek konpromiso hartzen dute indarrean dagoen legerian xedatutakoa, aplikatu daitekeen guztian, beteko dutela.

Hogeita batgarrena.- Baimentzea.

Entitate onuradunak espresuki ematen dio baimena Ibarako Udalari, edozein momentutan eta edozein Administrazio edo Erakunde Publikotatik zuzenean eskura ditzan hitzarmen honen bitartez eskatutako dirulaguntza lortzeko ezinbesteko baldintzak betetzen direla egiaztatzeko behar diren datuak.

Hogeita bigarrena.- Gardentasun Ataria.

Hitzarmenaren testua argitaratuko da Gardentasun atarian

Eta ados daudela adierazteko eta sinatzaileei dagozkien ahalmenak baliatuta, bi alderdiek hitzarmen hau sinatu dute, bi aletan, goiburuan adierazitako tokian eta data

Nagore Zubillaga Garmendia
ZINEGOTZI DELEGATUA

Eugenio Lopetegi Artano
IBARRAKO HERRI KIROLO SOKATIRA
TALDEA